

通鑑綱目


卷二之上

5 /
1 /
3

東 京 圖 書 館				
漢書門	正史類	別冊	五八	九七
函架	號架	冊架	冊架	冊架

漢書門				
類	號	函	架	冊
五	一	九	六	七
九	一	五	六	七
七	三	七	七	七

內閣文庫	
番號	漢 5967
冊數	97 (3)
函號	283 35



資治通鑑綱目卷之二

淺草文庫上冊

起丙午盡戊戌西楚

考異

提要丙午下有秦昭襄王五十二年

戊戌下無西楚霸王四年

丙秦昭襄王五十二年楚考烈王八燕孝王三魏午安釐王二十二趙孝成王十一韓桓惠王十

入齊王建十年 **考證** 謹按司馬公通鑑秦自是年

自秦始元年繼魏唐自武德元年繼隋綱目則

秦起於始皇帝并六國之後漢起於滅楚之後

晉起於平吳之後唐起於平群盜之後如隋則

綱目與通鑑同起於開皇九年平陳之後是謂

資治通鑑綱目

資治通鑑綱目

之正統古昔帝王之御天下也典禮命討皆原於天尊卑有分內外有制立綱振紀人不敢紊是以六經不言正統統自正也周衰聖賢不作綱淪法斁禮廢樂崩馴至彊秦入寇王室七國均敵不相統一後若南北朝五代戎狄盜賊交於中國天下無主不得已同謂之無統大儒述作之義在於貴正統而賤無統故曰是書後之君子必有取焉

書法

按通鑑自是歲揭秦紀而大書之蓋周既亡而以秦繼也周亡而秦繼之則綱目大書其年可矣此其與列國分註何天下未一也天下未一秦亦列國耳必至於始皇二十六年秦并天下始以正統例大書之此綱目所以大一統也

正於下而人道定矣

漢晉唐初皆倣此

秦丞相范雎免

秦河東守王稽坐與諸侯通棄市王臨朝而歎應侯請其故王曰武安君死而鄭安平王稽等皆畔內無良將外多敵國吾是以憂應侯懼不知所出燕客蔡澤聞之西入秦先使人宣言於應侯曰蔡澤見王必奪君位應侯召澤讓之澤曰吁君何見之晚也夫四時之序成功者去商君吳起大夫種何足願與應侯謬曰何為不可君子有殺身以成名死無所恨澤曰身名俱全者上也名可法而身死者次也三子之可願孰與閔天周公哉語曰

日中則移月滿則虧進退羸縮與時變化今君怨已讐而德已報意欲至矣而無變計竊為君危之應侯曰善遂薦澤於王因謝病免王悅澤計以為相數月免

集覽

商君

衛之庶公子名鞅事秦孝公封於商故號商君孝公卒惠公車裂之吳起衛人為楚悼王相悼王死大臣作亂攻殺起大夫種種上聲名也姓文字子禽楚之郢人事越王勾踐為大夫後被殺何足願與與平聲語未辭也本傳作其卒然亦可願與閔天周公閔天姓各周文王武王之臣周公名旦武王弟又為成王相二人者身名俱全者也據實統志云吳起衛人嘗學於曾子好用兵為魯將破齊復為魏將擊秦魏武侯善之為西河守

大振聲名既而見疑適楚悼王聞其賢以為相於是撫養士卒平越取陳却晉伐秦諸侯畏楚之强大夫種春秋時越大夫也吳王夫差敗越兵于夫椒越王勾踐使種行成于吳勾踐既歸國屬政于種及滅吳種謀居多後以范蠡遺書稱疾不朝或譖種將作亂王賜以屬鏤之劍遂伏劍死周公姬姓文王之子世居岐山生有聖德輔武王伐紂以安天下又輔成王制禮作樂以成周家之治

書法

免例有三書某人免者可免者也著所坐者有罪者也書免某人官下某

人獄免徵下獄免者無罪者也

通鑑綱目卷之三十一 齊世宗第三十五 三十一
發明 范睢傾險之士然能知止而退
亦有足取故書免而不去其官

楚以荀况爲蘭陵令

荀卿趙人春申君以爲蘭陵令荀卿嘗與臨武君論兵於趙孝成王前王曰請問兵要卿對曰要在附民夫仁人之兵上下一心三軍同力臣之於君也下之於上也若子弟之事父兄若手臂之扞頭目而覆胸腹也故兵要在於附民而已齊人隆技擊得一首者賜贖錙金無本賞矣事小敵毳則偷可用也事大敵堅則渙然離耳是亡國之兵也其去貨市傭而戰之幾矣魏氏之武卒以度取之衣三屬之甲操十二石之弩負矢五十置戈其上

冠胄帶劔羸三日糧日中而趨百里中試則復其戶利其田宅氣力數年而衰而復利未可奪也改造則不易周也故地雖大其稅必寡是危國之兵也秦人其生民也陋隘其使民也酷烈沮之以慶賞鮪之以刑罰使民所以要利於上者非鬪無由也使以功賞相長五甲首而隸五家是最爲衆彊長久之道然皆干賞蹈利之兵未有安制綦節之理也故齊之技擊不可以遇魏之武卒魏之武卒不可以遇秦之銳士秦之銳士不可以當桓文之節制桓文之節制不可以敵湯武之仁義故招延募選隆勢詐尚功利是漸之也禮義教化是齊之也故兵大齊則制天下小齊則制隣敵若夫招延募選募隆勢詐尚功利之兵

通鑑綱目卷之三十一 春秋左傳卷之三十一 四
則勝不勝無常相為雌雄耳夫是之謂盜兵
君子不由也王曰善請問為將卿曰號令欲
嚴以威賞罰欲必以信處舍欲周以固徙舉
進退欲安以重欲疾以速窺敵觀變欲潛以
深欲伍以參遇敵決戰必行吾所明無行吾
所疑夫是之謂六術無欲將而惡廢無怠勝
而忘敗無威內而輕外無見利而不顧其害
凡慮事欲熟而用財欲泰夫是之謂五權可
殺而不可使處不完可殺而不可使擊不勝
可殺而不可使欺百姓夫是之謂三至凡百
事之成也必在敬之其敗也必在慢之故敬
勝怠則吉怠勝敬則滅計勝欲則從欲勝計
則凶戰如守行如戰有功如幸慎行此六術
五權三至而處之以恭敬無曠夫是之謂天

下之將臨武君曰善請問王者之軍制卿曰
將死鼓御死轡百吏死職士大夫死行列聞
鼓聲而進金聲而退順命為上有功次之不
殺老弱不獵田稼服者不禽格者不赦犇命
者不獲凡誅非誅百姓也誅其亂百姓者也
百姓有捍其賊者是亦賊也故順刃者生僚
刃者死犇命者貢有誅而無戰不屠城不潛
軍不畱衆師不越時故亂者樂其政不安其
上者欲其至也臨武君曰善陳囂問曰先生
議兵常以仁義為本然則又何以兵為哉卿
曰仁者愛人故惡人之害之也義者循理故
惡人之亂之也故兵者所**集覽**荀卿趙人名
以禁暴除害也非爭奪也况時人相尊
號之曰卿後避漢宣諱號曰孫卿臨武君荀

通鑑綱目卷之三十一 春秋左傳卷之三十一 五

子注臨武君楚將也未知姓名或曰劉向序云荀卿至趙與孫臏議兵孝成王前孫臏即臨武君也今按史記年表齊宣王二年孫臏為軍師則敗魏於馬陵至趙孝成王元年已七十餘年年代相遠疑臨武君非孫臏也隆技擊隆尚也以勇力擊斬敵者號為技擊孟康曰兵家之技巧者習手足便器械積機關以立攻守之勝者無本賞本賞謂有功同受賞也斬首雖戰敗亦賞不斬首則雖戰勝亦不賞是無本賞也事小敵毳毳讀曰脆若遇小敵而敵毳則可偷竊而用此技其去賃市傭而戰之幾矣此與賃市并傭作之人而使之戰者相去幾何以度取之取其材力長短中度者三屬之甲屬音注甲札之數也如清

曰上身一髀禪一脛繳一凡三屬上身者上體之甲髀股也禪音昆褰衣以蔽股名髀禪也脛脰也脰乃脛端繳行滕也以繳脛端名脛繳也皆相連屬也又七屬甲注見唐德宗建中三年羸三日糧羸音盈負也又負三日糧食日中而趨百里謂負重而趨一日之中可行百里中試則復其戶利其田宅中去聲復音福試中其技則復除戶役給其便利之處不征徭也改造則不易周改造更選擇也則又如前其稅必寡優復既多則賦稅寡少無所資用忸之音狃習也戰勝則厚賞使習以為常鮪之鮪藉也不勝則以刑罰凌藉之五甲首而隸五家戰獲五甲首則得役隸其鄉里之五家安制綦節綦音綦極也楊倞曰

安制謂安於制度自不踰越極於中義心不為非之理漸之謂漸進而近於法未為理也處舍欲周以固處舍營壘也周密牢固則敵不敢陵奪安以重舉動進退之法靜則安重而不為輕舉疾以速動則疾速而不失機權潛以深使間諜以觀敵國當潛隱深入伍以參伍參錯雜也錯雜於敵中而盡知其事所明所知處所疑疑危處六術自上文號令至遇敵此六術無欲將而惡廢惡去聲無求進而惡退無怠勝而忘敗無既勝則或怠而至於敗亡用財欲泰謂不當恡賞五權此五者乃為將之權謀可殺而不可使處不完所處必須完固若處不完之地已寧可自殺三至此三者請之至言其守而不變也將死鼓將

當死於鼓之下左傳師之耳目在吾旗鼓馭死轡馭車者當死守轡策不獵田稼獵與躡同蹂踐也服者不禽不戰而退者不追禽之格者不赦捍拒格鬪者必殺無赦犇命者不獲犇與奔通奔走来歸命者不獲之為囚俘僚刃者死荀子僚本作蘇注蘇讀為僚向也犇命者貢獻於上將不屠城屠城謂毀其城而殺其民若宰六畜然不替軍言用軍無所潛伏不畱衆不久畱師衆使暴露於野外不安其上者謂不安其亂國之政者欲其至也樂其來征也猶東征西夷怨之意

正誤 可殺而不可使也猶東征西夷怨之意

謂將若有罪寧可殺之不可使處不完之地而致兵敗傷衆也奔命者貢今按貢于國君

摭實 一統志云荀卿趙人任楚為蘭陵令著書數萬言羽翼六經有荀子書傳流于世

世蘭陵縣名注見漢光武建武四年

書法 綱目非大封拜不書此令耳何以書錄賢也而以之者為可譏矣其譏何

賢也而止以為令非其所矣終綱目書以為令十有二是年荀况漢元帝永光元年

張猛晉孝武大元十六年范弘之隋文帝開皇二十年王伽唐太宗貞觀十四年韋

元方中宗嗣聖九年狄仁傑二十一年戴令言玄宗開元二年徐倫德宗貞元十九

年韓愈憲宗元和十四年裴潏穆宗長慶元年揚汝士懿宗咸通五年劉蛻惟王伽

徐倫為非譏也

周民東亡秦取其寶器遷西周公於愚狐之聚

集覽 愚狐地名愚音憚徐廣曰愚狐聚近陽人聚在洛陽南百五十里括地志云汝州之

外古梁城即愚狐聚一統志云愚狐聚名在河南府城外五十里梁新城之間秦取

九鼎遷西周公于此 ○楚人遷魯于莒而取其地

丁秦五十三楚九燕王喜元魏二秦伐魏取吳未十三趙十二韓十九齊十一年

城○韓王入朝於秦

書法

書入朝何秦益疆也自威烈至周二韓未嘗書來朝於是書入朝於秦罪

韓也六國韓最先朝秦而秦亦最先滅之然則自卑以媵敵者果不足以自免矣自

是七國始書

王周已亡也

發明

戰國諸侯自稱王以後綱目例皆書君所以不予其僭也今此又復書韓

王何哉是時周赧既亡上無天子故諸侯因其稱王而書之亦所以著其僭爾然韓既稱王乃書入朝于秦烏有身為王者乃奔走朝事他國者哉據事直書義自見矣

○魏舉國聽令於秦

戊秦五十四楚十燕二魏二十
申四趙十三韓二十齊十二年秦王郊見上帝

於雍

發明

郊見天子之禮也春秋魯郊聖人因事屢書而譏之或者以為周賜以天

子禮樂故魯得郊祀然夫子乃曰魯之郊禘非古也周公其衰矣孔子魯之臣子其

不滿於魯若此况西戎之秦乎秦自襄始受封已僭祀西時至文宣靈鄜密上下用

事四帝楊雄所謂僭莫僭於祭祭莫重於天者是也今上書韓王入朝魏舉國聽令

下書郊見上帝於雍蓋明著其既服諸侯益肆其僭侈之志云爾異時呂政吞滅諸

國毒痛四海方且行封禪祠諸神然不二世遽滅帝果私於秦哉嗚呼吾誰欺欺天乎曾謂上天不如林放乎後之僭祀徼福者可以觀矣

○楚遷于鉅陽

巴秦五十五楚十一燕三魏二十西五趙十四韓二十一齊十三年魏人殺衛君

而立其弟

弟魏壻也

庚秦五十六楚十二燕四魏二十秋秦王稷薨

太子柱立韓王衰經入弔祠考異

提要漏柱字

書法

七國始書薨周二也周二綱目王七國則曷為不書崩書薨分王也書薨

足以異之矣綱目不皆薨立六王必有事而後書惟秦悉書之詳秦世也自是秦有

大事必書時若月

發明

天王崩諸侯未有奔赴者秦韓均為諸侯而行弔若此則亦視勢之強弱

而不顧禮之當否爾韓之卑屈如此將以求媚於秦然不免首為秦人所滅故綱目

於其入弔之事大書于册所以戒有國之君不可不自彊於善而毋徒媚敵以乞憐

也或曰韓以微弱之國不得不爾是不然
湯以七十里文王以百里萬一迫於疆大
不能自立則有國君死社稷之義效
死勿去死于宗廟可也謂之何哉

○燕伐趙趙敗之遂圍燕

燕平使栗腹約驩於趙反而言曰趙壯者死
長平其孤未壯可伐也王使腹將而攻鄆將
渠曰與人通關約交使者報而攻之不祥師
必無功王不聽自將偏軍隨之將渠引王之
綬王以足蹴之將渠泣曰臣非自為為王也
王不聽遂行趙使廉頗擊之敗其兩軍逐北
五百里遂圍燕燕人請和趙人曰必令將渠
處和燕王以將渠為相而處和趙師乃解

集覽

栗腹姓名腹本作股
將渠姓名將即郎反

據實

一統志云鄆
晉邑名戰國

春秋屬趙漢為鄆縣屬常山郡光武即位於
鄆南改曰高邑為冀州刺史治所晉屬趙國
後魏屬趙郡隋屬欒州唐屬趙州宋屬慶源
府金屬沃州元屬趙州 本朝因之屬真定
府

趙公子勝卒考異

提要無趙公
子勝卒五字

辛秦孝文王柱元楚十三燕五魏二
亥十七趙十六韓二十三齊十五年 冬十月秦

王薨子楚立考異

王下當有柱字今按昭襄王
薨書名據崩葬例曰無統之

君稱王公者曰某王公某薨此闕枉字蓋刊本漏也

考證

謹按凡例曰凡無統稱王公者

當作秦王

曰某王公某薨故名存者皆當補書後倣此

書法

秦王枉也

燕伐齊拔聊城齊伐取之

燕將攻齊聊城拔之或譖之燕王燕將保聊城不敢歸齊田單攻之歲餘不下魯仲連乃為書約之矢以射城中遺燕將曰為公計者不歸燕則歸齊今獨守孤城齊兵日益而燕

救不至將何為乎燕將見書泣三日猶豫不能決遂自殺聊城亂田單克之歸言仲連於齊王欲爵之仲連逃之海上曰吾與富貴而詘於人寧貧賤而輕世肆志焉魏王問天下之高士於子順子順曰世無其人也抑可以為次其魯仲連乎

集覽

聊城徐廣曰在

平原括地志云故聊城在博州聊城縣西二十里春秋齊西界聊攝戰國時亦齊地秦漢皆為東郡之聊城約之矢高誘曰纏束書於矢上猶豫顏師古曰猶獸名性多疑聞有聲則豫登木下上不一故謂不決曰猶豫索隱曰猶鄒音以獸反禮記作猶與注與音豫崔浩云猶猿類仰鼻長尾性多疑故以比不決者按狐性亦多疑渡水而聽水聲故云狐疑

今解者又引老子與今若冬涉川猶今若畏
四隣故以為猶與且按狐聽水而此云與今
冬涉川則與定是狐類不疑若畏四隣則猶
定是獸自不保同類故云畏四隣也又狐疑
注見秦二世三年富貴而詘於人記儒行曰
不克詘於富貴注克詘喜失節之貌詘音求
勿反又丘勿反輕世肆志輕世
眇視天下也肆志放縱志意也 **正誤**富貴而
今按詘與屈同 **摭實**一統志云聊城古邑名
勢相傾軋也本春秋時聊攝地戰國
時屬齊秦置聊城縣屬東郡漢因之魏晉俱
屬平原郡北齊改屬濟州隋初屬平原郡尋
於此置博州後州省以縣屬武陽郡唐為博
州治五代周省武水縣入焉宋金元仍舊

本朝因之改

屬東昌府

壬秦莊襄王楚元楚十四燕六魏二秦以昌不
十八趙十七韓二十四齊十六年

葦為相國封文信侯○秦滅東周遷其君於陽

人聚考異按昭襄王五十二年書遷西周公定
字陳氏曰綱目書東西周之亡而不

書二周之
分疑漏

東周君與諸侯謀伐秦王使相國帥師滅之
遷東周君於陽人聚周遂不祀周比亡凡有

七 **集覽**陽人地理志河南梁縣有陽人聚括
地志云陽人故城在汝州梁縣西四

十里 **據實** 一統志云陽人聚在南陽府汝州西秦遷東周於此吳孫堅大破董卓軍

亦此地

秦伐韓取滎陽成臯置三川郡 **集覽** 滎陽縣名屬河南古

號國也今鄭州是成臯縣名屬河南戰國鄭虎

牢關也括地志云故城在洛州汜水縣西南二

里三川秦三川郡漢高改河南郡韋昭曰洛陽

有伊洛河三水故名焉陽休之說涇渭洛亦為

三川 **據實** 一統志云滎陽古邑名本古東號國春

秋時為鄭京城秦置敖倉於此漢始置

滎陽縣屬河南郡其治在今縣西五十里晉置

滎陽郡後魏郡縣並徙今治北齊改郡曰成臯

隋廢郡存縣唐析置武泰縣屬洛州神龍初復

省入滎陽縣屬鄭州五代宋金元仍舊 本朝

因之屬開封府成臯古邑名本東號國地春秋

時為鄭巖邑又名虎牢秦屬三川郡漢置成臯

縣屬河南郡東漢廢縣為關三國魏復置縣晉

屬河南郡劉宋於此置司州後魏北豫州及成

臯郡同治於此隋始改縣曰汜水屬滎陽郡唐

初析置成臯縣貞觀中又省入汜水屬鄭州後

屬孟州宋初屬洛州元豐初復屬孟州金屬鄭

州元仍舊 本朝因之屬開封府三川秦之郡

名即周之王城下都也漢置河南郡東漢都於

此置河南尹三國魏置司州晉亦都此置河南

尹符秦改為豫州劉宋仍置司州後魏改為洛

州徙都之又改司州亦為河南尹後周改為東

京隋煬帝徙都于此改豫州唐初復為洛州置都督府高宗改為東都尋改神都天寶初又改東京五代梁為西都唐改東都晉改西京宋因之金置德昌軍號中京置金昌府元為河南路本朝改為河南

○楚滅魯遷其君於卞為家人

集覽

卞魯國有卞縣括地志云

據實

一統志云卞春秋魯

邑名卽古卞明國也戰國時屬楚後屬秦漢置卞縣屬魯國晉屬魯郡隋改為泗水縣屬兖州唐宋金因之元省入曲阜尋復置屬兖州本朝因之改屬兖州府

是為頃公

癸秦二楚十五燕七魏二十九丑趙十八韓二十五齊十七年

日食○秦伐趙

定太原取三十七城

集覽

太原注見齊明帝○建武三年并州

楚黃歇徙封於吳

春申君言於楚王曰淮北邊於齊其事急請以為郡而封

於江東許之春申君因城故吳墟而居之宮室極盛

集覽

城故吳墟春申君傳注正

義曰闔閭今蘇州也於城內小城西北別築城居之今圯毀也又大內北瀆四從五橫至今猶存又攻破

據實

一統志云故吳墟在蘇州府城內西南按春申

君傳注云黃歇初封於吳於闔閭城內小城西北別築城居之今圯毀也又大內北瀆四

從五橫至
今猶存焉

書法 黃歇徙封何歇意也綱目誅意故
不書楚徙封黃歇書黃歇徙封

甲秦三楚十六燕八魏三十趙
寅十九韓二十六齊十八年 秦悉拔上黨諸

城置太原郡

書法 自上黨降趙於是十有七年凡五書
太原上黨其書之何上黨天下之春

也秦得上黨而并天下
之勢成矣故謹書之

○秦伐魏魏公子無忌率五國之師敗之追至

函谷而還

蒙驁伐魏取高都汲魏王患之使人請信陵
君信陵君不肯還其客毛公薛公見曰公子
所以重於諸侯者徒以魏也今魏急而公子
不恤一旦秦克大梁夷先王之宗廟公子當
何面目立天下乎語未卒信陵君色變趣駕
還魏魏王持信陵君而泣以為上將軍求援
於諸侯諸侯聞之皆遣兵救魏信陵君遂率
五國之師敗蒙驁於河外追至函谷關而還
○安陵人縮高之子仕於秦守管信陵君攻
之不下使人召高將以為五大夫執節尉而
使攻管高對曰父攻子守人之笑也見臣而
下是倍主也父教子倍亦非君之所喜敢辭

信陵君怒使謂安陵君生束縮高而致之不然無患將率十萬之師以造城下安陵君曰吾先君成侯受詔襄王以守此城也手受太府之憲其上篇曰子弑父臣弑君有常不赦國雖大赦降城亡子不得與焉今縮高辭大位以全父子之義而君曰必生致之是使我負襄王之詔而廢太府之憲也縮高聞之曰信陵君爲人悍猛而自用此辭反必爲國禍吾已全已無違人臣之義矣豈可使吾君有魏患乎乃之使者舍刎頸而死信陵君聞之縮素辟舍而遣

集覽

蒙騫齊人蒙武之父蒙恬之祖也騫音遨鄭氏

音五到反高都魏邑名括地志云高都故城今河內澤州是汲魏邑名即河內郡也括地

志云古汲城在衛州汲縣地河外謂陝華二州也正義曰河外者河南岸也魏州地管縣名屬滎陽括地志云今鄭州管城縣外城古管國城也此辭反爲句言與理相反縮素辟舍喪服而不居正寢也信陵以縮高因以非理召之而自殺故以示自貶記玉藻曰縞冠素紕既祥之冠也閒傳曰素縞麻衣鄭玄注此素縞者玉藻所云縞冠素紕也紕純緣邊也穀梁傳成五年輦者曰君親素縞注素衣也縞冠凶服也釋曰鄭云以素純喪冠故謂之素縞今注與鄭異也離騷九章曰思久故之親身兮因縞素而哭之注縞素白繒也

正誤

此辭反必爲國禍今按此辭反爲還報也信陵君遣使謂安陵君生致縮高不

然將伐之安陵君不從而曰云云故縮高言
使者以辭還報信陵君必伐安陵是為國禍
也

撥實

一統志云高都古邑名春秋時屬晉
戰國時屬韓後屬趙秦置高都縣屬

上黨郡漢因之後魏置建興郡治此北齊改
置高都郡後周廢為高都村故城在澤州城
東三十里汲古邑名本殷牧野之地春秋時
屬晉戰國時屬魏後屬秦漢置汲縣屬河內
郡魏屬朝歌郡晉為汲郡治後魏置伍城郡
及縣周以縣屬衛州隋復改為汲縣屬汲郡
唐徙衛治此宋元仍舊本朝因之改屬衛
輝府安陵春秋鄭邑名鄭伯克段于鄆即此
戰國謂之安陵漢始置鄆陵縣屬潁川郡東
魏屬許昌郡北齊省入許昌縣隋復置屬許

州唐因之宋屬開封府金元因之本朝仍
屬開封府管古邑名周封管叔鮮于此為管
國春秋時屬晉後屬魏秦置管縣屬三川郡
漢屬河南郡晉宋因之後魏於縣置滎州改
屬滎陽郡後周改為鄭州隋改為管州唐降
為管城縣為鄭州治所宋金元俱仍舊本
朝省入鄭州故城在開
封府城西一百八十里

書法

追至函谷何惡秦也秦伐之不得志
於是再書矣自昭襄以來山東之得

志有三田文之伐書河渭絕無忌之救書
大破秦軍於是書追至函谷雖終無救於
亡而綱目每喜書之
則亦惡秦而已矣

五月秦王薨子政立

考異 提要王下有楚字此亦刊本闕漏與孝文

同王

政生十三年矣國事皆委於文信侯號仲父
胡氏曰孝文莊襄二王之死蓋皆不韋之所
也為

書法

秦王楚也秦自書薨以來未有不名
者其不名柱與楚何疑也何疑乎柱
楚不韋欲政之王久矣而二王之享國皆
不永以是為可疑故異其文異其文者異
其事也然則趙王丹楚王悍亦不
稱名何也六國之事故多畧之矣

乙卯 秦王政元 楚十七 燕九 魏三十 秦鑿涇水為

渠

韓欲疲秦使無東伐乃使水工鄭國為間於
秦鑿涇水自仲山為渠並北山東注洛中作
而覺欲殺之國曰臣為韓延數年之命然渠
成亦秦萬世之利也乃使卒為之注填闕之
水漑烏鹵之地四萬餘頃收
皆畝一鍾由是秦益富饒

集覽

涇水地理志涇水出

安定涇陽縣西今原州百泉縣笄頭山也東
南至馮翊陽陵縣與渭水合又東與漆沮水
合經秦漢之都至潼津入河仲山河渠書作
中山顏師古曰中音仲即今九夔山之東中

山也括地志云中一名仲山在雍州雲陽縣西十五里金北山東注洛金與傍通音蒲良反近也倚也河渠書注徐廣曰出馮翊懷德縣填闕之水填音田塞也闕依據反或作淤通作淤說文澱滓濁泥寫鹵之地河渠書作澤鹵之地索隱曰澤一作寫音昔本或作斥則如字讀之書傳注許慎曰東方謂之斥西方謂之鹵斥鹵鹹地可煮為鹽

正誤

寫鹵今按鳥本作瀉鹹土也周禮草人鹹瀉

據實 一統志云涇水南白巖發源至涇州又東南至邠州界又東北至西安府高陵縣界會于渭仲山在西安府涇陽縣西北七十里俗傳漢高祖兄仲所居於此故號焉上有仲子廟歲旱圍此射獵

則有風雨

書法

鑿渠必書重民利也書溝渠始此終綱目書渠十是年漢武帝元光六年

渭渠太始二年白渠明帝永平十三年汴渠後主延熙四年曹魏漕渠隋甲辰廣通渠煬帝大業元年通濟渠四年永濟渠唐玄宗天寶元年三門運渠後周戊午汴渠

邢溝刁溝不與焉

丙秦二楚十八燕十魏三十二趙
 辰二十一韓二十八齊二十年
趙王薨廉頗

韓魏

考異

據崩葬例當書趙王丹薨亦刊本漏也

趙使廉頗伐魏取繁陽孝成王薨悼襄王立使樂乘代頗頗怒攻之遂出犇魏魏不能用趙師數困王復思之使視頗尚可用否頗之佐郭開多與使者金令毀之頗見使者一飯斗米肉十觔被甲上馬以示可用使者還報曰廉將軍老尚善飯然與臣坐頃之三遺矢矣王遂不召楚人迎之頗一為楚將無功曰我思用趙人遂卒於楚

集覽 繁陽徐廣曰屬魏郡正義曰在相州內黃東北三遺矢史記注索隱曰謂數起便也矢一作屎

實 一統志云繁陽古邑名春秋時屬晉戰國時屬魏秦置縣屬魏郡漢省之故城在大名府內黃縣東六十里

丁秦三楚十九燕十一魏三十三趙悼襄王偃元韓二十九齊二十一年 **秦大饑**

考異 提要漏秦字

書法 書大饑始此終綱目書大饑二十六是年辛未趙漢武帝建元三年元帝

永光元年莽甲戌辛巳漢光武建武二年安帝永初三年再書晉惠帝元康四年永興二年愍帝建興二年襄國元帝大興二年穆帝永和十年秦孝武大元四年秦六年十二年涼州安帝元興元年梁丙辰魏唐初戊寅涼唐中宗嗣聖四年玄宗天寶十三年肅宗上元二年德宗興元元年癸卯晉甲寅湖南書饑二十九

○秦伐韓取士二城○趙李牧伐燕取武遂方城

李牧者趙北邊之良將也嘗居代鴈門備匈奴以便宜置吏市租皆輸莫府為士卒費日擊數牛饗士習騎射謹烽火多間諜為約曰匈奴入盜則急收保有敢捕虜者斬如是數歲無所亡失匈奴皆以為怯雖趙邊兵亦以為吾將怯趙王使人讓之牧如故王怒使人代之屢出戰不利邊不得田畜王復請李牧牧稱病不出王彊起之牧曰必用臣臣如前乃敢奉令王許之牧至邊如約匈奴數歲無所得終以為怯士日得賞賜而不用皆願一戰乃選車騎習戰大縱畜牧人民滿野匈奴小入佯北以數十人委之單于聞之大率衆

入牧乃多為奇陳張左右翼擊之大破殺匈奴十餘萬騎滅澹澹破東胡降林胡單于犇走十餘歲不敢近趙邊先是時天下冠帶之國七而秦趙燕邊於夷狄諸戎亦各分散自有君長莫能相一其後義渠築城郭以自守而秦滅之始於隴西北地上郡築長城以拒胡趙破林胡樓煩築長城自代並陰山下至高關為塞而置雲中鴈門代郡燕破東胡却地千里亦築長城自造陽至襄平置上谷漁陽右北平遼東郡及戰國之末而匈奴始大

集覽

武遂方城地理志武遂屬河間國方城屬廣陽郡括地志云武遂易州遂城也方城在幽州固安南十七里代鴈門正義曰鴈門縣在代地故云代鴈門漢代郡城古代

國也秦置鴈門郡在蔚州飛狐北百五十里
 匈奴黃帝本紀北逐葷粥注索隱曰葷粥匈
 奴別名唐虞以上曰山戎亦曰獯鬻夏曰淳
 維殷曰鬼方周曰玁狁秦漢曰匈奴魏隋唐
 皆曰突厥莫府如淳曰莫大也將軍征行無
 常處所在為治故言莫府莫或作幕晉灼曰
 衛青征匈奴帝就拜大將軍於幕中府故曰
 幕府顏師古曰二說皆非按幕府者以軍幕
 為義古字通用廉頗李牧市租皆入幕府此
 則非因衛青始有其號又莫大之義乖索隱
 曰古者出征以幕帳為府署也邊不得田畜
 為句正義曰畜許又反單于匈奴天子之號
 猶華言皇帝也漢書音義曰單于者廣大貌
 言其象天單于然也單音蟬檐檻音檐監徐

廣曰檐檻一作臨駟如淳曰胡名也在代地
 東胡注見周赧王八年林胡西胡國名括地
 志云在朔州嵐州以北春秋北地地如淳曰
 林胡即檐林為趙武靈王所滅隴西地理志
 雍州隴西郡今隴右也括地志云隴山名郡
 在山西故名隴西上郡屬古并州今鄜州是
 括地志云故城在綏州上縣東南五十里按
 冊鄜延綏等州北至勝州固陽並係上郡地
 魏築長城界陰山地理志西河郡陰山縣括
 地志云陰山北戎地在朔州北塞外東西千
 餘里草木茂盛匈奴依阻其中漢武克匈奴
 置陰山縣正義曰今勝州是山在五原郡西
 安陽縣北高闕徐廣曰在五原郡北括地志
 云朔方郡臨戎縣北有連山險於長城其山

中斷兩峯極峻相對若闕故名焉雲中今大同府古雲中郡也嵐勝等州皆是其地括地志云故城在勝州榆林縣東北造陽晉太康地記秦塞自五原郡北九里地名造陽匈奴傳曰漢亦棄上谷郡之斗辟縣造陽地以與胡顏師古曰斗絕也縣之斗曲入匈奴界者其中造陽地也辟讀曰僻襄平城名也韋昭曰今遼東所理上谷今媯州是在古幽州西北羅壁識遺曰燕北百里外有居庸關關東二百里外有虎北口即古上谷郡漁陽幽州漁陽郡括地志云故城在檀州密雲縣南十八里漁水之北今薊州是右北平漁陽郡東南七十里右北平城即漢右北平也遼東今遼陽府是周封箕子於朝鮮漢置樂浪等四

郡地**正誤**邊不得田畜今按畜當作許六切養牲也下文大縱畜牧音同亦謂畜養

牧放也**據實**一統志云武遂古邑名戰國時屬燕後屬秦漢置武遂縣屬河間國

東漢屬安平國晉析置武強縣屬長樂國後魏屬武邑郡隋初以武遂省入屬信都郡唐屬深州後屬冀州宋金俱屬深州元置東武州尋廢州以縣屬深州後屬祁州中統初改屬晉州本朝因之屬真定府方城古邑名戰國時屬燕後屬秦漢置方城縣屬廣陽國後屬涿郡後魏省隋置固安縣屬幽州唐屬北義州貞觀初復屬幽州金屬涿州元屬霸州後陞為固安州本朝改為固安縣屬順天府代古郡名春秋時屬晉戰國時屬趙秦


置代縣屬代郡漢封代王於北為代國東漢末廢後魏於此置靈丘郡後周兼置蔚州隋郡廢州存大業初州廢唐復置蔚州治靈丘至德初改安邊郡後復為蔚州遼置忠順軍金為蔚州元至元初省州為靈仙縣屬弘州尋復為州屬宣德府 本朝因之屬大同府 雁門 本山名春秋時屬晉戰國時屬趙秦置郡於山下故名焉漢徙治陰館縣三國魏徙治廣武縣後周移肆州治此隋初郡廢置代州及改廣武曰雁門縣大業中改州為雁門郡唐改代州天寶初改雁門郡乾元初復為代州宋因之金置震武軍元罷軍仍為代州以雁門縣省入隸太原路 本朝初改為代縣後復改為州仍屬太原府隴西秦之郡名

即西羌所居之地漢因之治狄道縣晉析置狄道郡劉宋置武始郡後魏置臨狄郡後周廢隋復置武始郡屬蘭州後改金城郡唐天寶初置臨州乾元中置臨洮軍寶應初陷于吐蕃號武勝軍宋復改為鎮洮軍尋改熙州治狄道縣金改熙州為臨洮府元仍為臨洮府 本朝因之屬陝西道北地秦之郡名即義渠戎所居之地漢改為泥陽縣東漢屬安定郡後魏於此置華州又改邠州西魏改寧州合之曰邠寧後周分置趙興郡隋改為北地郡唐為寧州又改彭原郡宋復為寧州宣和初置興寧軍金屬慶源路元屬鞏昌路 本朝因之屬慶陽府上郡秦之郡名即白翟戎所居之地漢改為雕陰縣晉為赫連勃勃

所居後魏於此置上郡又分置綏州隋改爲上郡大業初廢州置雕陰郡唐初爲綏州天寶中改上郡乾元初復爲綏州宋爲綏德城元符初置綏德軍金改爲州元仍舊本朝因之屬延安府陰山在鞞鞞國東西千餘里草木茂盛多產禽獸漢時冒頓單于依阻其中治作弓矢漢武帝奪其地匈奴入寇無所隱過此未嘗不哭高闕塞名在大同府城西北四百二十里古豐州河之西史記趙武靈王築長城自代傍陰山下至高闕卽此塞是也雲中古地名春秋時北狄所居戰國時屬趙秦爲雲中郡漢因之東漢末郡廢三國魏屬新興郡晉改屬鴈門郡後魏徙都平城置司州牧及置代尹又置北恒州後周益廢隋

以其地屬代朔雲三州唐初復置北恒州治雲中縣尋廢開元中置雲州天寶初改雲中郡乾元初復爲雲州五代唐以雲州置大同軍節度遼陞爲西京府曰大同金因之元改置大同路本朝改爲大同府隸山西道襄平古邑名戰國時屬燕後屬秦漢置襄平縣爲遼東郡治所晉廢之遼改爲遼陽縣金元因之本朝改爲定遼中衛屬遼東行都司上谷古地名春秋戰國時皆屬燕秦爲上谷郡漢置涿鹿縣魏晉時地屬北燕唐改涿鹿爲永興縣置新州五代唐置團練使總山後八軍同光初陞威塞軍遼會同初改奉聖州武定軍金大安初陞德興府元初因之後復爲奉聖州屬宣德府本朝改爲保安州直

隸京師漁陽古邑名春秋及戰國時皆屬燕秦置漁陽郡漢因之魏晉屬幽州隋初徙玄州於此後復置漁陽郡唐置薊州取古薊門關以名天寶初改漁陽郡乾元初復為薊州遼置尚武軍宋改廣州軍金屬東都路元仍為薊州隸大都路本朝因之以漁陽縣省入改屬順天府右北平秦之郡名即春秋時山戎肥子二國地漢末為公孫度所據魏改盧龍郡北燕置平州及樂浪郡後魏改樂浪為北平郡隋改為平州後廢州為郡唐復改為平州天寶初改為北平郡乾元初復為平州五代唐以為遼興軍金陞為南京天會初復為平州陞興平軍元改興平府中統初陞為平灤路大德中改永平路本朝初改為永平府屬北平布政司後直隸京師遼東古郡名戰國時屬燕秦屬營州漢初因之武帝拓朝鮮地并割遼東屬邑置樂浪玄菟真番臨屯四郡漢末為公孫度所據三國魏置東夷校尉居襄平而分遼東昌黎等五郡置平州晉改遼東郡為國仍隸平州尋為慕容廆所據後魏仍為遼東郡隋初又為高句麗所據唐征高麗復其地置蓋遼二州又置都督府九以安東都護總統之尋為渤海大氏所據五代時地入契丹阿保機修遼東故城以居名曰東平郡尋陞南京又改為東京金初因之後置遼陽府元為東京路尋改遼陽路本朝初置定遼都衛後改為遼東都指揮使司隸山東道



魏公子無忌卒

秦既敗於河外使人行萬金以間信陵君求得晉鄙客令說魏王曰公子亡在外十年矣今復為將諸侯皆屬天下徒聞信陵君不聞魏王矣秦王又數使人賀信陵君得為魏王未也魏王信之使人代將於是信陵君謝病不朝日夜以酒色自娛四歲而卒韓王徃弔其子榮之以告子順子順曰禮鄰國君弔君為之主今君不命子則子無所受韓王矣其子辭之

戊秦四楚二十燕十二魏三十
午四趙二韓三十齊二十二
春秦伐魏取陽

有詭集覽

陽有詭魏邑名秦皇本紀注
徐廣曰陽音場索隱曰音暢
○秋七

月秦蝗疫令民納粟拜爵

書法

始鬻爵也自是漢文帝書詔民入粟

邊得拜爵武帝書詔民得買爵書今
株送徒入財補郎安帝書令吏民入錢贖
拜官賜爵桓帝書賣關內侯以下官靈帝
書開西邸賣官皆自秦始矣書蝗始此終
綱目書大蝗十六書蝗三十七詳漢文帝
後元六年書疫始此終綱目書大疫
十一書疫四詳漢元帝初元元年

巳秦五楚二十一燕十三魏景閔王
秦伐魏取
未增元趙三韓三十一齊二十三年

二十城置東郡

集覽 東郡注見漢光武建武八年

與秦六楚二十二燕十四魏二申趙四韓三十二齊二十四年

楚趙魏韓衛合

從以伐秦至函谷皆敗走

考異

據前後例魏當在趙韓上

諸侯患秦攻伐無已時故五國合從以伐之楚王為從長春申君用事取壽陵至函谷秦

師出五國

集覽

壽陵徐廣曰在常山郡本趙邑

書法

於是取壽陵至函谷秦師出五國之兵皆敗走不書秦師出何見五國之必自敗也五國則曷為必敗合異以為同聯疎以為親以之擯秦未保也况伐秦乎

以七十年前之五國不敵也况今日之五國乎然則田文何以獨得志田文初脫虎口志在復讎當是時以之入秦可也豈黃歇輩所能辨哉是以上書燕趙韓魏齊楚合從以擯秦則繼書秦以齊魏伐趙上書楚趙魏韓衛合從以伐秦則下書至函谷皆敗走明從約之不可恃也

發明

五國至是猶奄奄垂絕之人爾而乃合兵伐秦固已不待叩關途知其敗必矣然則聽秦之暴可乎無已則修政用賢於內合從締交於外相與保境自守秦攻一國則諸侯救之可也無名與師仰關而伐自速敗亡咎將誰執故綱目書此以

自敗為文所以著
諸國悖謬之罪也

楚遷于壽春

朱英謂春申君曰先君時秦善楚二十年不
攻者踰黽阨而攻楚不便假道兩周背韓魏
而攻楚不可今則不然魏旦暮亡不能愛許
鄢陵割以與秦秦兵去陳百六十里臣見秦
楚之日鬪也楚於是去陳徙壽春
集覽 黽阨
命曰郢春申君就封於吳行相事
作鄢或作冥金音盲阨通作隘春申君傳作
黽隘楚世家作鄢塞徐廣曰在江夏正義曰
今申州羅山縣本漢鄢縣有平靖關蓋古鄢
縣之阨塞柱預曰徐云在江夏誤矣魏世家

作冥阨孫檢曰楚之險塞也括地志云申州
東南有石城山甚險峻魏攻冥阨蓋謂此山
淮南子曰天下九塞冥阨其一焉按申州今
信陽是也壽春楚考烈王自陳徙都壽春號
曰郢索隱曰漢廬江郡壽春縣隋改
壽州宋陞壽春府今安豐下蔡縣是
摭實 一
志云冥阨塞名在南陽府信陽州東南九十
里即春秋所謂平靖關也有大小石門鑿山
通道淮南子曰天下九塞冥阨其一也許周
之國各春秋屬晉戰國屬魏秦屬潁川郡漢
置許縣東漢獻帝都於此曹魏改曰許昌北
齊改為南鄭州後周復為許州隋改為潁川
郡唐復為許州宋陞為潁昌府元復為許州
本朝因之改屬開封府鄢陵春秋鄭邑名戰

通鑑綱目卷之三十三 春秋三十二年 三十一

國屬魏謂之安陵漢置鄆陵縣屬潁川郡東魏屬許昌郡北齊省之隋復置屬許州唐宋金元仍舊本朝因之改屬開封府壽春古邑名春秋時為六蓼國地楚考烈王自陳遷都于此號曰郢都秦置壽春邑尋為九江郡漢為淮南國東漢為揚州刺史治所晉置淮南郡東晉改壽陽郡元魏置揚州梁改豫州隋初置壽州唐改為壽春郡五代唐為順化軍南唐改靖淮軍宋置壽春府元置安豐路本朝改為壽州屬鳳陽府

秦拔魏朝歌及衛濮陽衛徙居野王集覽

朝歌汲郡

朝歌故城在衛縣紂所都也即今衛州

撥實

一統志云朝歌古地名本殷紂所都周武

王克殷分其北為邶南為鄘東為衛後封康叔於衛春秋時邶鄘入之戰國屬魏秦屬河東郡漢為汲縣地屬河內郡曹魏置朝歌郡屬冀州晉改汲郡後魏改義州後周改衛州隋改汲郡唐復為義州尋復改衛州屬河北道宋因之金改河平軍元改衛輝路本朝改為衛輝府屬河南道

亥	癸	戊	壬	辛	酉	辛	辛
趙	秦	趙	秦	秦	趙	秦	秦
七	九	六	八	七	五	七	七
韓	楚	韓	楚	楚	韓	楚	楚
王	二	三	二	二	三	二	二
安	十	十	十	十	十	十	十
元	五	四	四	四	四	四	四
齊	燕	齊	燕	燕	齊	燕	燕
二	七	二	六	五	二	五	五
十	魏	十	魏	三	十	三	三
七	五	六	四	三	五	三	三
年	秦	年	魏	年	年	年	年
	伐		與				
	魏		趙				
	取		鄴				
	垣						
	蒲						

集覽垣蒲索隱曰垣即魏之長垣縣屬河南蒲

城在滑州匡城北十五里按匡城古長垣魏世家作垣蒲陽注故垣地本魏王垣也在絳州垣

縣西北二十里蒲邑故城**摭實**一統志云垣古在隰州隰川南四十五里

陝之處春秋時屬晉戰國時屬魏秦漢為垣縣地屬河東郡後魏置邵郡及白水縣後周蕪置

郡州改縣曰毫城隋改為垣縣屬絳郡義寧初置邵原郡唐改邵州貞觀初州罷以縣屬絳州

宋改曰垣曲縣金仍舊元初省入絳縣尋復置本朝因之改屬平陽府蒲古邑名即春秋時

晉之蒲城也戰國時屬魏後屬秦漢為河東郡蒲子縣地後魏置石城縣後周置石城郡周末

廢又置蒲子縣隋以蒲子移治縣東北故箕城大業初改為蒲縣屬龍泉郡唐移今治元省入

隰川縣尋復置屬隰州本朝因之改屬平陽府

凍死者

○夏四月秦大寒民有

書法四月大寒異也至有凍死者甚異矣故備書之終綱目書大寒一一是年梁

乙未年四月大寒一而已秦未建亥必因周曆此書四月為夏亦周不改月之一驗也

秦王冠帶劍

書法

帝冠十三 此自是終綱目書 詳漢惠帝四年

○秦伐魏取衍氏

集覽

衍氏地志闕又注見周慎靚王四年

○秋

九月秦嫪毐作亂伏誅夷三族秦王遷其太后

於雍

史記正義嫪毐躬亂反毒酷政反

初秦王即位年少太后時時與文信侯私通王益壯文信侯恐事覺及禍乃以舍人嫪毐詐為宦者進之生二子封毐為長信侯政事皆決於毐至是有告毐實非宦者王下吏治毐毐懼矯王御璽發兵為亂王使相國昌平君昌文君攻之毐戰敗走獲之夷三族遷太

后於雍薈陽宮殺其二子下令敢諫者死諫而死者二十七人斷其四支積之闕下齊客茅焦請諫王大怒按劍而坐口正沫出趣召鑊欲烹之焦徐行至前再拜謁起稱曰臣聞有生者不諱死有國者不諱亡諱死者不可以得生諱亡者不可以得存死生存亡聖王所欲急聞也陛下欲聞之乎王曰何謂也焦曰陛下有狂悖之行不自知邪車裂假父囊撲二弟遷母於雍殘戮諫士桀紂之行不至於是矣今天下聞之盡瓦解無嚮秦者臣竊為陛下危之臣言已矣乃解衣伏質王下殿手接之爵以上卿自駕虛左方迎太后歸復為母子

集覽

嫪毐姓名劉伯莊曰嫪居虬反如初毒徒酷反如淳曰嫪郎報反毒

烏改反按如說是昌平君昌文君索隱曰昌平君楚公子也立以為相後徙於郢項燕立以為荆王史失其名昌文君名亦不知也賁陽宮李斐曰賁音倍山名也應劭曰宮在扶風鄠縣秦文王所建假父指嫪毐囊撲撲弼角反以縶囊盛其人投擲而擊殺之

實一統志云賁陽宮在西安府鄠縣西南三十里秦惠文王建漢時猶存宣帝嘗幸之

書法於是周王始書太后從其恒稱矣據周存君王后稱母遷辭有二太后遷

居某宮者順辭也遷太后于某宮者逆辭也終綱目書遷太后六 是年秦王漢安帝延光四年孫程遷閹太后靈帝建寧元年曹節遷竇太后後主延熙十年曹爽遷郭

太后壬午年梁王衍遷齊太后唐中宗神龍元年遷武太后書遷某皇后二漢哀帝元壽二年遷皇后傳氏靈帝中平六年遷皇后董氏皆逆辭也非逆辭則罪辭也書太后遷居某宮五詳漢昭帝元平元年

發明上書嫪毐作亂伏誅繼書遷其太后於雍則太后之遷為有名而非芋氏無罪之比矣茅焦進諫復為母子綱目削去而不書者所以著其得罪宗祧之意云爾嗚呼嚴哉

楚王完薨盜殺黃歇

楚考烈王無子春申君求婦人宜子者進之甚衆卒無子趙人李園進其妹於春申君既有娠園使妹說春申君曰楚王無子即百歲後將更立兄弟彼亦各貴其故所親君又安得常保此寵乎且君貴用事久多失禮於王之兄弟兄弟立禍且及身矣今妾有娠而人莫知誠以君之重進妾於王賴天而有男則是君之子為王也楚國可盡得孰與身臨不測之禍哉春申君乃出之謹舍而言諸王王召幸之遂生男立為太子園妹為后園亦貴用事恐春申君泄其語陰養死士欲殺春申君以滅口國人頗有知之者王病朱英謂春申君曰李園君之仇也不為兵而養死士之日久矣王薨必先入據權殺君以滅口君若

置臣郎中王薨園入臣為君殺之春申君曰園弱人也僕又善之且何至此英知言不用懼而去後十七日王薨園果先入伏死士於棘門之內刺殺春申君滅其家太子立是為幽王集覽幸之蔡邕曰夫衣服之加於身飲御御之親愛者曰幸不為兵為如字楚國策作不為兵將棘門正義曰壽春城棘門書法不稱楚相何削之也據俠累稱韓相歌欺君以自禍則不足以相人國矣綱目書盜殺十一而削其官者三黃歇王君奭李輔國

甲子

秦十楚幽王悍元燕十八魏六趙八韓二齊二十六年

冬十月秦相國

通鑑綱目卷之二十三 秦三十九年 三十四

呂不韋以罪免出就國

考異

提要書曰秦呂不韋以罪免相就國

秦王以不韋奉先王功大不忍誅免就國

書法

免例有三書某人免者可免者也著所坐者有罪者也書免某人官下某

人獄免徵下獄免皆無罪者也書以罪免則異於范雎矣故徙蜀則削其爵終綱目書以罪免八不韋石顯匡衡趙欽胡廣放浩邵陵王綸再書著所坐書免三司空融

祭形謝方

秦大索逐客客卿李斯上書召復故官遂除其

令

秦宗室大臣議曰諸侯人來仕者皆為其主遊間耳請一切逐之於是大索逐客客卿楚人李斯亦在逐中行且上書曰昔穆公取由余於戎得百里奚於宛迎蹇叔於宋求丕豹公孫支於晉并國二十遂霸西戎孝公用商鞅諸侯親服至今治疆惠王用張儀散六國從使之事秦昭王得范雎疆公室杜私門由此觀之客何負於秦哉今乃不問可否不論曲直非秦者去為客者逐棄黔首以資敵國卻賓客以業諸侯此所謂藉寇兵而齎盜糧者也臣聞泰山不讓土壤故能成其大江河不擇細流故能就其深王者不却衆庶故能

明其德此五帝三王之所以無敵也惟大王
 圖之王乃召李斯復其官除逐客之令卒用
 斯謀陰遣辯士齎金玉遊說諸侯厚遺結其
 名士不可下者刺之離其君臣之計然後使
 良將將兵隨其後數年之中卒兼天下
集覽 由余秦繆公求士
 西取由余於戎李
 斯傳注其先春秋晉人也亡入戎耳百里奚
 注見周顯王三十一年五穀大夫蹇叔索隱
 曰秦本紀云百里奚謂穆公曰臣友蹇叔賢
 而世莫知繆公遂厚幣迎之今云迎於宋未
 詳所出正義曰蹇叔岐州人時遊於宋丕豹
 索隱曰丕豹自晉奔秦左傳有明文公孫支
 索隱曰卽子桑也是秦大夫而云求於晉未
 詳所出正義曰公孫支岐州人時遊於晉黔

首黔其炎反應劭曰黧也始皇名民曰黔首
 以其頭黑也藉寇兵而齎盜糧索隱曰藉或
 作借謂以兵假寇也齎于奚反持
 遺也言為盜齎糧也齎或讀為資

書法

書召復故官何譏也秦并天下李斯

者亦李斯也終綱目書上書四惟李斯見
 聽亦惟李斯為譏書大索始此終綱目書
 大索二 是年二十九年大搜一 漢武帝征
 和元年書上書始此終綱目書上書四李
 斯梅福鮑宣賀琛書上疏一後唐康澄書
 獻策一王通竇融曹操單于南詔上書不
 與焉

齊趙入秦置酒

書法

於是通鑑不書綱目特書之何譏媚敵也國幾亡矣所以自免者如是而已

書置酒始此終綱目書置酒四是年漢高帝五年七年唐貞觀七年宴享不與焉

乙秦十一楚二燕十九魏七
丑趙九韓三齊二十九

趙伐燕取狸陽秦

伐趙取九城

考異

提要無趙伐燕取狸陽六字

集覽

狸陽正義曰燕

無狸陽疑狸字誤當是漁陽

書法

兩國事也其不殊之何病趙也西支不暇而暇北侵其得喪竟何如哉

而書之所以為謀人者之戒也

○趙王偃薨

子遷立其母倡也嬖於悼襄王王廢嫡子嘉而立之遷素以無行聞於國

丙秦十二楚三燕二十魏八趙
寅幽繆王遷元韓四齊三十年秦呂不韋徙蜀

自殺

不韋就國歲餘諸侯使者請之相望於道王恐其為變賜不韋書曰君何功於秦封河南十萬戶何親於秦號稱仲父其徙處蜀不韋恐誅飲酖死

書法

徙辭有四徙某某廢某徙貶某徙無罪之辭也某徙者有罪之辭也

自六月不雨至于八月

書法

恒陽也書不雨始此終綱目書自某月不雨至于某月六是年漢獻帝興

平元年後主建興九年宋文帝庚午年齊主頤辛未年唐德宗貞元十九年

○秦助魏伐楚

丁秦十三楚四燕二十一魏秦伐趙殺其將扈

輒趙以李牧為大將軍復戰宜安秦師敗績

戊辰秦十四楚五燕二十二魏秦伐趙取宜安平

陽武城集覽

宜安括地志云故城在常山郡藁城縣西南平陽故城在相州臨漳

縣西武城縣名屬貝州即東武城

據實

一統志云宜安古邑名春秋時屬晉戰國時屬

趙秦置宜安縣屬常山郡晉宋廢之其地屬鉅鹿郡隋復置唐省入藁城縣故城在縣西南仍屬真定府平陽古邑名春秋時屬衛後屬晉戰國時屬趙秦滅趙改屬東郡漢初仍舊三國魏省之故城在大名府滑縣東南五十里廢韋城縣西二十里左傳衛侯飲孔悝酒於平陽即此武城春秋晉邑名戰國趙為平原君封邑地漢置東武城縣屬清河郡晉去東字隋改為清河

縣以舊東武城為武城縣唐移治永濟渠西屬
貝州宋屬恩州移今治今仍舊元屬高唐州

本朝因之改

屬東昌府

○韓遣使稱藩於秦

初韓諸公子非善刑名法術之學見韓削弱
數以書干韓王王不能用非疾治國不務求
人任賢反舉浮淫之蠹加之功實之上寬則
寵名譽之人急則用介冑之士所養非所用
所用非所養作孤憤五蠹說難等篇十餘萬
言至是王使納地效璽於秦請為藩臣非因
說秦王曰大王誠聽臣說一舉而天下之從
不破趙不舉韓不亡荆魏不臣齊燕不親則
斬臣徇國以戒為王謀不忠者王悅之未用
李斯譖之下吏自殺楊子曰韓非作說難而

卒死乎說難何也曰說難蓋其所以死也君
子以禮動而義止合則進否則退確乎不憂
其不合也夫說人而憂其不合則亦無所不
至矣司馬公曰君子親其親以及人之親愛
其國以及人之國非為秦謀而首欲覆
其宗國罪固不容於死矣烏足愍哉

集覽

非疾治國韓非以治國者之所為為疾也其
所疾者即下文不務求人任賢以下數事所
養非所用時君以祿養之臣皆非折衝禦侮
之士所用非所養其臨事任用者金非常所
祿養之人故難可盡其死力孤憤言孤直不
容於時五蠹言蠹政之事有五說難說音稅
言遊說之道不易也效璽效呈獻也楊子曰
楊雄所撰書問明篇云卒死乎說難韓遣非

使秦秦王欲用非李斯毀之下吏治非斯遺
非藥使自殺蓋其所以死謂說難欲探人心
而求合則無所不
至此適足以取死

巴 秦十五楚六燕二十三魏十
秦伐趙取狼孟
巴 趙四韓七齊三十三年

番吾遇李牧而還
集覽 狼孟縣名屬太原故
城在陽曲縣是也

實 一統志云狼孟戰國趙之邑名秦置狼孟縣
屬太原郡漢置曲陽縣在今定襄縣境漢末

移治太原縣北境魏又徙于狼孟縣南境後魏
以陽曲縣屬永安郡隋改曰陽直屬并州文徙
治汾陽故城改曰汾陽煬帝復曰陽直唐於故
陽曲城置汾陽縣尋省陽直改汾陽曰陽曲宋

屬太原府金始移置郭下元仍
舊 本朝因之改屬太原府

書法 伐國未有書遇而還者書
遇李牧而還予牧功也

○**燕太子丹自秦亡歸**
考異 提要無
此八字

初丹嘗質於趙與秦王善及秦王即
位丹質於秦秦王不禮焉丹怒亡歸

庶秦十六楚七燕二十四魏十
午二趙五韓八齊三十四年 秋九月韓獻南

陽地于秦 ○代地震坼

東西百
三十步

書法

地震變也震而坼大變也不三年而趙亡變不虛生信矣凡地震書地一

方震也不地非一方也天下地震無一方不震也書地震始此終綱目書地震一百

一秦庚午年漢惠帝二年呂后乙卯年文

帝元年五年景帝中元年中三年中五年

後元元年武帝元光四年征和二年後元

元年宣帝本始元年四年地節三年元帝

初元二年再書永光三年建昭二年四年

成帝建始三年河平三年綏和二年孺子

嬰初始元年莽丙子年光武建武二十二

年章帝建初元年和帝永元四年五年七

年九年安帝永初元年二年三年四年再

書五年七年元初元年二年三年再書四

年五年六年再書永寧元年建光元年延

光元年再書二年三年四年順帝永建三

年陽嘉二年四年永和二年再書三年再

書四年五年漢安二年建康元年桓帝建

和元年再書三年書再震元嘉元年二年

再書永興二年永壽二年延熹四年五年

八年永康元年靈帝建寧四年熹平二年

六年光和元年再書二年三年獻帝初平

二年四年再書興平元年書再震建安十

四年後主十二年十五年晉武帝太康九

年安帝隆安四年恭帝元熙元年宋已巳

年梁癸巳年隋文帝開皇二十年天下地

震唐太宗貞觀二十三年玄宗開元二十

二年僖宗乾符三年五代癸巳年書地坼

三 是年漢安帝元初元年順帝陽嘉二年
書地裂三漢和帝永元七年桓帝永康元
年唐僖宗乾符三年圻又甚於裂也西涼
效穀西平各地裂不書不與焉晉恭帝元
熙元年書地動一漢景帝後二
年書地陷一漢安帝元初元年

辛秦十七楚八燕二十五魏十三趙六韓
秦內
未九齊三十五年 是歲韓亡凡六國

史勝滅韓虜王安置潁川郡
集覽 潁川郡注見漢靈帝中平

元年

書法 五國皆先書擊伐後書滅此其直書
滅何韓為秦藩久矣直書滅易辭也

亡國之君其辭五死之上也執虜
次之以歸次之獲次之降為下

○趙大饑

壬秦十八楚九燕二十六魏
申十四趙七齊三十六年 秦王翦伐趙下井

陘趙殺其大將軍李牧
集覽 井陘地志常山郡石邑西有井陘山

括地志云井陘故關在并州石艾縣陘東十八
里即井陘口也一名土門關今威州有井陘縣

質實 一統志云井陘戰國趙邑名後屬秦漢置
井陘縣屬常山郡晉宋因之隋於縣置井

陘郡唐初改并州尋省宋於縣置天威軍金改
為威州元移威州治洺水以井陘隸廣平路

本朝因之改屬真定府

秦王翦伐趙趙使李牧禦之秦多與趙嬖臣郭開金使言牧欲反趙王使趙葱顏聚代之牧不受命遂殺之

書法

於是六年三書李牧牧死而趙隨之亡矣

發明

書國以殺而不去其官者明牧之無罪不失其官守也趙國危若累卵僅有一將若可少延晷刻之命而乃無故殺之果何為哉前書牧戰敗秦及秦遇牧而還所以著牧存趙之績後書秦滅趙虜王遷所以著趙見滅之因趙之為國用人如此欲無亡得乎

癸秦十九楚十燕二十七魏十五趙八秦滅趙西齊三十七年○是歲趙亡凡五國

虜王遷秦王如邯鄲

故與毋家有仇者皆殺之

秦軍屯中山以臨燕

考異提要書曰秦滅趙虜王遷秦王如邯鄲遂

臨燕 ○趙公子嘉自立為代王與燕合兵軍上谷

○楚王薨弟郝立三月郝度兄負芻殺之自立

考異

此據凡例亦當書楚王悍薨蓋刊本漏悍字

考證

殺當作弑謹按春申君

進李園妹為楚考烈王后生太子悍立為幽王幽王本春申子也鬻熊之祀陰絕十年而幽王死同母弟立是為哀王哀王史記六國表名郝世家名猶代通鑑本六國表故曰弟郝立此真考烈子在位三月庶兄負芻弑而代之或曰郝弟也負芻兄也孰可以弑加之乎曰不然凡例曰列國弑君事義不同者隨事異文註曰如元魏馬后顯祖之事雖其主母亦不得免弑君之名負芻親則庶兄分則臣下馬后殺子負芻殺弟一例也惡得不謂之弑哉嗚呼負芻殺弟遂負弑君之罪苟能殺幽王明其非考烈子誅李園立考烈真子尚足以繼鬻熊之絕世雪先王之餘耻家齊而國治其功烈豈不躉歟惜其志不及此有勇無義而為亂哀哉正君臣之義明適庶之分故曰殺當作弑非特罪負芻也將以懲勸方來云爾

書法

綱目之法君沒叔姪兄弟爭國非下犯上書殺而已矣綱目叔姪兄弟爭

國六是年晉懷帝永嘉四年劉聰弑太子和穆帝永和五年石遵弑太子世安帝隆安三年呂纂殺太子紹宋庚午年馮弘殺太子翼庚戌年楚希萼殺希廣惟劉聰以弟書弑石遵以其太后書弑

甲秦二十楚王負芻元燕二十八魏王假元齊戊三十八年代王嘉元年舊國五新國一


凡六 燕太子丹使盜劫秦王不克秦遂擊破燕代

兵進圍薊考異

提要書曰秦遂進兵于薊

初丹既亡歸怨秦王欲報之以問其傅鞠武武請約三晉連齊楚媾匈奴以圖之太子曰太傅之計曠日彌久令人心惛然恐不能須也頃之秦將軍樊於期得罪亡之燕太子受而舍之鞠武諫不聽太子聞衛人荆軻賢卑辭厚禮而請見之謂曰秦已虜韓臨趙禍且至燕燕小不足以當秦諸侯又皆服秦莫敢合從丹以為誠得天下之勇士使於秦劫秦王使悉反諸侯侵地若曹沫之與齊桓公盟則善矣不可則因而刺殺之彼大將擅兵於

外而內有亂則君臣相疑以其間諸侯得合從破秦必矣惟荆卿留意焉軻許之乃舍軻上舍丹曰造門所以奉養軻無不至會秦滅趙丹懼欲遣軻軻曰行而無信則秦未可親也願得樊將軍首及燕督亢地圖以獻秦王秦王必悅見臣臣乃有以報丹曰樊將軍窮困來歸丹丹不忍也軻乃私見於期曰秦王遇將軍可謂深矣父母宗族皆為戮沒今聞購將軍首金千斤邑萬家將奈何於期太息流涕曰計將安出軻曰願得將軍之首以獻秦王秦王必喜而見臣臣左手把其袖右手搤其胸則將軍之仇報而燕見陵之愧除矣於期曰此臣之日夜切齒腐心者也遂自刎丹奔往伏哭然已無可奈何乃函盛其首又



嘗豫求天下之利七首以藥焯之以試人血濡縷無不立死者乃裝遣軻至咸陽見秦王奉圖以進圖窮而七首見把王袖而搵之未至身王驚起軻逐王環柱而走秦法群臣侍殿上者不得操尺寸之兵左右以手共搏之且曰王負劔王遂拔以擊軻斷其左股軻引七首擿王不中自知事不就罵曰事所以不成者欲生劫之必得約契以報太子也遂體解以徇王大怒益發兵就王翦於中山與燕代戰易水西大破之遂圍薊

集覽 曹沫與齊桓公盟索隱曰沫莫葛反左傳作曹劌然則沫宜音昧劌沫字異而聲近曹沫事魯莊公為將與齊戰三敗莊公懼獻遂邑以和乃會柯而盟將盟曹沫執七首劫桓公曰反

魯之侵地桓公許之沫乃投七首下壇北面就群臣之位後桓公欲倍約管仲不可乃以侵地盡復予魯按此事約公羊傳為說然彼無其名直云曹子而已且左傳莊十年戰于長勺用曹劌謀敗齊而無劫齊桓說十三年盟于柯公羊傳始論曹子穀梁傳惟云曹劌之盟也信齊侯也又不記其行事之時日以其間以因也因其君臣自相離間督元地圖劉向別錄曰督元燕之膏腴地今涿州南新城縣古督元亭也括地志云范陽東南十里固安縣南有督元陂幽之南界也燕欲以獻秦故畫圖獻之元音抗或音剛搵其胸搵知鵠反礙擊也血濡縷以七首試人血出如絲縷之細易水源出易州南安閻山東經霸州

文安入滹按易正誤以其間今按質實一統志云

州漢固安縣也督元陂名在順天府涿州東南其地沃美秦

求之燕燕太子丹使荆軻賁督元地圖以進

即此今為督元亭在焉易水在保定府安州

城之北源自府境曹河徐河石橋河一畝泉

河滋河沙河鴉兒河唐河諸水至此合流為

易水又至雄縣南為瓦濟河過直沽入于海

史記燕太子丹使荆軻刺秦王送至易水即此

發明

秦滅六國皆無罪獨燕有盜劫之舉

亦左矣然綱目不書秦討其罪者秦為無

道人皆可得殺之故止書盜劫之事而不

正燕丹之罪爾若夫荆軻自以為賢而不

免以盜書者蓋與聶政同科不然是又司

馬遷之史矣何

以為綱目哉

乙秦二十一楚二燕二十九亥魏二齊三十九代二年冬十月秦拔薊燕

王走遼東斬其太子丹以獻於秦

書法

書斬何罪丹也故不書殺不書誅何不劫秦亦亡矣

○秦李信伐楚

秦王問於李信曰吾欲取荆楚用幾何人對曰不過二十萬問王翦翦曰非六十萬人不

可王曰將軍老矣何怯也乃使信及蒙恬將二十萬人伐楚翦謝病歸頻陽

歸頻陽地志左馮翊有頻陽縣括地志云故城在宜州土門縣南今并入輝州同官縣王翦是頻陽東

鄉人故曰歸質實一統志云李信隴西成紀郡漢因之東漢改為祋祊縣晉初仍舊後

省之故城在西安府富平縣東北七十里

丙秦二十二年楚三燕三十魏三齊四秦王賁伐

魏引河溝以灌其城魏王假降殺之遂滅魏

異提要書曰秦王賁集覽王賁翦之子也賁音奔

書法伐未有書方畧者書引灌何始開河

後決處遂大不可復補後六十年始書河

決矣戰伐惟秦書引河溝惟朱梁書決河

○楚人大敗秦軍李信犇還秦王翦代之考異


提要秦下有使字

李信大敗楚軍引兵西與蒙恬會城父楚人

因隨之三日不頓舍大敗之入兩壁殺七都

尉信犇還王怒自至頻陽謝王翦疆起之翦

曰老臣罷病悖亂大王必不得已用臣非六



十萬人不可王許之於是翦將六十萬人伐楚王自送至霸上翦請美田宅甚衆王曰將軍行矣何憂貧翦曰爲大王將有功終不得封侯故及大王之鄉臣請田宅爲子孫業耳王大笑既行又數使使者歸請之或曰將軍之乞貸亦已甚矣翦曰王怛中而不信人今空國而委我不有以自堅顧令王坐而疑我矣

集覽 城父索隱曰在汝南卽應鄉正義曰言引兵西會城父則汝州郟城縣東父城是也杜預曰襄城城父縣是霸上霸水之上地名在長安東三十里秦記云霸水古滋水也出雍州藍田谷北入渭正義曰卽秦嶺水之下流秦繆公築宮於此更名城曰霸城水曰霸水以章霸功鄉臣鄉與嚮通護也

王怛中而不信人王翦傳注徐廣曰怛一作粗通鑑釋文曰怛通作粗心不精也戰國趙策智伯麤中而少親注麤與粗同疏也然模韻內無此怛字惟御韻內怛音將預反訓驕也

正誤 大王鄉臣今按 **據實** 一統志云城父鄉謂意所嚮也春秋陳之邑名

戰國屬楚後屬秦漢置城父縣屬沛郡晉屬譙郡隋屬亳州元廢爲村有文廟碑存焉故城在鳳陽府亳縣東南七十里霸水在西安府城東二十里本名滋水秦繆公更名以章霸功源出秦嶺合藍谷傾谷諸水入滌水北注于渭

丁 秦二十三 楚四 燕三十
丑 齊四十一 代四年

秦王翦大敗楚軍殺

其將項燕

王翦取陳以南至平輿楚人悉國中兵以禦之翦堅壁不戰日休士洗沐而善飲食撫循之親與士卒同食久之問軍中戲乎對曰方投石超距翦曰可矣楚既不得戰引而東翦追擊大破之至蘄南殺其將軍項燕楚師遂敗走翦乘勝畧定城邑

集覽

平輿縣名

古沈子國輿一作與正義曰與音余平輿在豫州東北五十四里投石超距徐廣曰超一作拔音蒲撥反案漢書甘延壽投石拔距絕於等倫注張晏曰范蠡兵法飛石重十二斤為機法行三百步延壽有力能以手投之拔距即超距也索隱曰超距猶跳躍也顏師古曰甘延壽嘗超踰

據實

一統志云平輿春秋沈子國之地名

亭樓言其趨捷耳

戰國時屬楚後屬秦漢置平輿縣以汝南郡治此後廢隋復置王世充置輿州唐州廢元省入汝陽縣故城在汝寧府城東汝水之南

戊秦二十四楚五燕三十二齊四十
寅二代五年是歲楚亡凡四國 **秦滅楚虜**

王負芻置楚郡

據實 一統志云楚郡秦初所置治壽春邑漢初為九江郡

東漢為揚州治所晉置淮南郡東晉改壽陽郡隋改為壽州唐改為壽春郡五代唐為順化軍宋置壽春府後改安豐軍元置安豐路本朝改為壽州以壽春縣省入仍屬鳳陽府

已秦二十五燕二十三齊四十三
卯代六年 是歲燕代亡凡二國 秦王賁滅燕

虜主喜還滅代虜主嘉○秦王翦遂定江南降

百越置會稽郡 **摭實** 一統志云會稽郡秦初所置治吳縣漢初因之後以

吳縣置吳郡而徙會稽郡治山陰晉為會稽國劉宋置東揚州領之隋初郡廢改東揚為吳州治會稽縣後改越州尋為會稽郡唐初復置越州後改為鎮東軍五代錢氏陞為東都宋仍為越州元改為紹興路 本朝 ○五月天下大酺改為紹興府直隸浙江道

考異 提要無此六字

書法 不書秦何秦已滅五國矣故書天下終綱目書酺六詳周赧王二十年

庚辰秦始皇帝二十六年王賁襲齊王建降遂滅

齊 **考異** 提要書曰王賁滅齊王建降

初齊君王后事秦謹與諸侯信齊亦東邊海上秦日夜攻五國五國各自救以故王建立四十餘年不受兵君王后且死戒建曰群臣之可用者某王取筆牘受言后曰已忘之矣君王后死后勝相齊與賓客多受秦間金勸王朝秦不修戰備不助五國攻秦秦以故得滅五國齊王將入秦雍門司馬前曰所為立王者為社稷邪王曰為社稷司馬曰為社稷

而立王則王何以去社稷而入秦王乃還卽
墨大夫聞之見王曰齊地方數千里帶甲數
百萬今三晉大夫不便秦而在阿鄆之間者
百數王收而與之數萬之衆使收晉故地卽
臨晉之關可入矣鄆鄆大夫不欲爲秦而在
城南下者百數王收而與之數萬之衆使收
楚故地卽武關可入矣如此則齊威可立秦
國可亡豈特保其國家而已哉王不聽至是
王賁自燕南攻齊猝入臨淄民莫敢格者建
遂降秦遷之共處之松栢之間餓而死齊人
怨建聽姦人賓客不蚤與諸侯合從以亡其
國歌之曰松邪栢邪住建共者客邪疾建用
客之不詳也司馬公曰從衡之說雖反覆百
端然合從者六國之利也彙使六國能以信

義相結則秦雖彊暴烏得而亡之哉蓋以三
晉而攻齊楚是自絕其根柢也以齊楚而攻
三晉是自撤其藩蔽也烏有撤其藩蔽
以媚盜曰盜將愛我而不攻豈不悖哉

集覽

后勝齊相姓名后胡口反勝音升雍門司馬
左傳哀十四年出雍門注齊城門也雍於用
及司馬主武事宮垣內兵衛所在四面皆有
司馬臨晉之關顏師古曰在同州朝邑界正
義曰卽蒲津關在馮翊臨晉縣因名焉按馮
翊郡卽今同州本臨晉城住建共者客邪地
理志共屬河內郡正義曰共音恭客謂陳馳
也戰國策注陳馳齊人之入秦者自秦稱之
曰客秦使馳誘齊王建約與五百里地
建遂入秦秦遷之共故齊人歌云然

正誤

任建共者客邪今按齊人疾王建聽信姦人賓客不與諸侯合從以亡其國不專指陳馳

也 **據實** 一統志云蒲津關在西安府朝邑縣東黃河岸關下有鐵牛渡唐時橫絕

連艦以渡黃河後常絙斷艦破開元中鑄鐵牛八以纜浮梁今牛西岸三東岸四其一沉

於河共古共伯之國名周為鄘國地春秋時并於衛戰國時屬魏後屬秦漢置共縣屬河

內郡晉屬汲郡隋改為共城縣唐初以縣置共州并析置凡城縣尋廢州及省凡城入焉

宋屬衛州金改河平縣又改蘇門縣後陞為輝州元因之本朝仍為縣改屬衛輝府

書法 四國皆書擊伐此其書襲何齊不備也后勝之罪大矣

王初并天下更號皇帝

王初并天下自以為德兼三皇功過五帝乃更號曰皇帝命為制令為詔自稱曰朕追尊莊襄王為太上皇胡氏曰古之聖人應時稱號非帝貶於皇王貶於帝也後世不知此義遂以皇帝自居而以王封其臣子失之甚矣王之為名繼天撫世之謂曾是而可使臣子稱之乎孔子作春秋尊周立號繫王於天其禮隆矣有天下者以是為法而列爵自公以降則名正言順百世以俟而不惑矣

除謚法

制曰死而以行為謚則是子議父臣議君也甚無謂自今以來除謚法朕為始皇帝後世以計數二世三世至于萬世傳之無窮胡氏曰子議父臣議君而非其禮罪不容誅矣考德行之實而天以誅之臣子亦安得而私之哉然後世謚法雖存而公道不暢為臣子者往往加美謚於君親使死受所不當得取世訕笑則又不若不謚之為愈矣

集覽

謚法史記謚法解惟周公太公開嗣王業建功于牧野終將葬乃制謚遂叙謚法天以誅之記曾子問篇賤不誅貴幼不誅長禮也惟天子稱天以誅之注誅累也累列生時行迹讀之以作謚謚當由尊者成天子稱天以其無尊焉在天子上者惟天耳春秋公羊說以為讀誅制謚於南郊若云受之於天然也

發明

孟子曰三代之得天下也以仁其失天下也以不仁又曰行一不義殺一不辜而得天下皆不為也秦王初并天下自以為德兼三皇功過五帝乃更號皇帝除謚法令後世以計數欲以一而傳萬其為計可謂深且遠矣抑不知秦之所以得天下者仁歟否歟奪人土地毀人宗廟滅人家國皆所不論姑以斬首計之自石門之戰至于赧亡之歲其見於史冊可得而考者蓋百四十餘萬矣又自赧亡之後迄于兼并之日垂四十年史傳皆不載首虜之數其間攻拔城邑屠滅國都兵禍殆無

虛日豈無一人死於鋒鏑之下斬刈殺戮疾驅力戰秦之得天下者如此乃欲偃然自以爲子孫帝王萬世之業是豈果無天道耶要之國祚修短每視其得國之實向使秦氏并吞之後改絃易轍修仁行義猶不能保其有國况以殘暴趣之乎不二世而遽滅信有由矣語曰君以此始亦以此終參諸孟氏之言而益信

定爲水德以十月爲歲首

初齊人鄒衍論著終始五德之運始皇採用其說以爲周得火德秦代周從所不勝爲水德始改年朝賀皆自十月朔衣服旌旄節旗皆尚黑數以六爲紀以爲水德之始剛毅戾

深事皆决於法刻削毋仁恩和義然後合於五德之數於是急於法久不赦

集覽

旌旄節旗皆尚黑禮春官司常注旌旗之上綴旄牛尾於竿首詳見九旗圖地官掌節注節猶信也行者所執之信詳見八節圖秦以水德屬北方故尚黑數以六水終數六故以六寸爲符六尺爲步刻削水主陰陰主刑殺故急法刻削

書法

書水德何著始也五德之論古不經見鄒衍始倡此論秦人采之以急於

法而天下受其毒自是代興所王各異綱目不悉書再書水德而已矣齊壬申年魏水德綱目書以某月爲歲首始此終綱目書改正者五是年漢武帝太初元年建寅

通鑑綱目卷之三十三 漢書卷之二十三 三十一

後主建興十五年魏建丑唐中宗嗣聖六年武后用周正肅宗上元二年建子卒無以易夏時者矣

發明 孔子曰行夏之時以商之建丑周之建子且不可用况以十月為歲首乎

秦不師古無足道者然不得不書之以著其失

分天下為三十六郡銷兵器一法度徙豪桀於

咸陽

丞相綰等言燕齊荆地遠請立諸子為王以鎮之始皇下其議廷尉斯曰周封子弟同姓

甚眾然後屬疏遠相攻擊如仇讐天子弗能禁今海內賴陛下神靈一統皆為郡縣諸子功臣以公稅賦重賞賜之甚足易制天下無異意則安寧之術也置諸侯不便始皇曰天下共苦戰鬪不休以有侯王賴宗廟天下初定又復立國是樹兵也而求其寧息豈不難哉廷尉議是分天下為三十六郡郡置守尉監收天下兵銷以為鐘鐻金人置宮庭中一法度衡石丈尺徙天下豪傑於咸陽十二萬戶胡氏曰聖人理天下以萬物各得其所為極至封建也者帝王所以順天理承天心公天下之大端大本也郡縣也者霸世暴主之所以縱人慾悖天道私一身之大孽大賊也分天下有德有功者以地而不敢以天下自


通鑑綱目卷之三十三 漢書卷之二十三 三十一

私於是。有百里七十里五十里不能五十里。邦國之制焉。於是。有君朝卿大聘大夫小聘。王巡狩侯述職之禮。樂法度焉。於是。有千雉百雉三之一五之一。高城深池焉。於是。有井邑丘甸縣都之夫數焉。於是。有十乘百乘千乘萬乘之車數焉。於是。有伍兩卒旅師軍之制焉。於是。有鄉大夫司徒樂正取士之法焉。邦國之制廢而郡縣之制作矣。郡縣之制作而世襲之制亡矣。世襲之制亡而數易之弊生矣。數易之弊生而民無定志矣。巡狩述職之禮廢則上下之情不通。考文案而不究事實。信文案而不信仁賢。其弊有不可勝言者矣。城池之制廢而禁禦暴客威服四夷之法亡矣。夫家之法廢而民數不可詳矣。民數不可詳而車乘不可出矣。車乘不可出而軍師不隱於農矣。軍師不隱於農坐食者衆而公私困窮矣。世儒不知王政之本反以亡秦爲可法。所謂明君良臣者亦未免以天下自私無意於裁成輔相使萬物各得其所。所以歷千五百餘歲未有能復之者也。聖人制四海之命法天而不私。盡制而不曲。防分天下之地以爲萬國而舉英才共焉。非後世擅天下者以大制小以強制弱之謀也。誠盡制而已矣。是以虞夏商周傳於長久。皆千餘載。論興廢則均有焉。語絕滅則至暴秦郡縣天下然後極也。自秦滅先王之制海內蕩然無有根本之固。有今世王天下而繼世無置錐之地者。有今年貴爲天子而明年欲爲匹夫不可

得者天子尚然况其下者乎物有其根則常而靜安而久常靜安久則理得其終物遂其性封建者政之有根者也故上下辨民志定教化行風俗美理之易治亂之難亡扶之易與亡之難滅集覽丞相綰丞丞相助也掌丞郡縣反是天子助理萬機綰姓王氏

廷尉斯廷平也治獄貴平故號廷尉斯姓李氏守尉監守去聲郡守掌治其郡丞尉掌佐守典武職甲卒監御史掌監郡鐘鐻鐻與虞通音巨周禮梓人為筍虞厚唇弁口出目短耳大筍燿後大體短脰若是者謂之羸屬其聲大而宏則於鐘宜若是者以為鐘虞是故擊其所懸而由其虞鳴注樂器所懸橫曰筍植曰虞金人關中記始皇二十六年有大人

十二見於臨洮身長五丈足履六尺皆夷狄服天誠若曰勿大為夷狄行將滅其國始皇不知反以為瑞乃銷兵器鑄為金人象之索隱曰各重千石坐高二丈號曰翁仲漢世在長樂宮門董卓徙清門裏魏明欲將詣洛陽載到霸城重不可致後石季龍徙之鄴符堅又徙入長安銷之百里七十里五十里不能五十里邦國之制記王制曰公侯田方百里伯七十里子男五十里不能五十里者不合於天子附於諸侯曰附庸君朝卿大聘大夫小聘王巡狩侯述職之禮樂法度記王制諸侯之於天子也比年一小聘三年一大聘五年一朝天子五年一巡狩公年傳注諸侯即位比年使大夫小聘三年使上卿大聘四年



通鑑綱目卷之三十一 周禮卷之二十一 五十一

又使大夫小聘五年一朝因助祭以述職疏云此孝經說文千雉百雉三之一五之一高城深池左傳隱元年大都不過參國之一中五之一小九之一注方丈曰堵三堵曰雉一雉長三丈高一丈天子千雉侯伯三百雉大都三分國城之一不過百雉中都五分之一不過六十雉小都九分之一不過三十三雉井邑丘甸縣都之夫數禮地官小司徒經士地而井牧其田邑九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事群書考索曰周禮所謂夫家之數者一夫受田百畝家出一夫而已其合居者亦惟計其丁壯而用之與別居者無異十乘百乘千乘萬乘之車數禮

邑下作野

官小司徒注司馬法曰畝百為夫夫三為屋屋三為井井十為通通十為成革車一乘十成為終革車十乘十終為同革車百乘諸侯大國一封三百六十六里兵車千乘天子畿內方千里兵車萬乘伍兩卒旅師軍之制禮地官小司徒五人為伍五伍為兩四兩為卒五卒為旅五旅為師五師為軍以起軍旅以作田役鄉大夫司徒樂正取士之法禮鄉大夫受教法于司徒退而頒之于其鄉吏三年則大比考其德行道藝而興賢者能者記王制命鄉論秀士升之司徒曰選士司徒論選士之秀者升之學曰俊士樂正順先王詩書禮樂以造士

通鑑綱目卷之三十一 周禮卷之二十一 五十一

書法

書銷兵器何譏私也秦之二斬木揭竿者為之自秦書銷兵器至隋而書除毀兵仗文帝開皇九年書收天下兵器十五年書禁民間兵器而鐵又搭鈎攢刃之屬皆禁之煬帝大業五年秦隋一轍也

築宮咸陽北阪上

初諸廟及章臺上林皆在渭南及破諸侯寫放其宮室作之於咸陽北阪上南臨渭自雍門以東殿屋複道周閣相屬所得諸侯美人鐘鼓以充入之

集覽

章臺在渭水南

二輔黃圖云在長安故城西上林苑名在渭水南即秦之舊地方三百里寫放寫摹畫也

放讀曰倣倣也咸陽北阪上徐廣曰在長安西北漢武特別名渭城雍門史記注徐廣曰在高陵縣正義曰在岐州雍縣東殿屋複道周閣相屬正義曰廟記云咸陽北至九變耳泉南至鄠社東至河西至汧渭之交東西八百里南北四百里離宮別館相望聯屬木衣文綉土被朱紫宮人不徙窮年忘歸猶不能徧及考異漢書曰複道則築起為道不與民庶相雜天子自行其上有私路處則作穴竇如城門百姓在彼中往來也周閣周馳架木為棚而行

摭實

一統志云章臺街名在西安府舊長安城內漢京兆尹張敞罷朝走馬即此上林苑名在西安府城內本秦舊苑漢武帝開廣之周迴數百里

書法

書築宮重民力也書築宮始此終綱

周宮殿書築作五十六是年二十七

年信宮三十五年朝宮阿房二世元年復

作漢高帝五年長樂宮武帝元封二年宣

防宮六年首山宮太初元年建章宮四年

明光宮更始癸未年修宮明帝永平三年

北宮靈帝中平三年修南宮獻帝建安元

年修洛陽宮二十五年魏主丕營宮室後

主建興五年魏大營宮室十年魏治許昌

宮十二年魏作洛陽宮又立崇華殿延熙

十年吳太初宮丁亥年吳昭明宮晉成帝

咸和五年新宮六年趙鄴宮咸康二年趙

太武殿八年趙長安宮洛陽宮穆帝永和

元年趙長安宮洛陽宮孝武帝太元三年

作新宮安帝元興三年燕逍遙宮義熙二

年魏壘南宮宋癸亥年魏西宮癸卯年宋

大修梁乙卯年東魏新宮乙丑年東魏晉

陽宮丙子年齊大治宮室巳亥年周洛陽

宮隋文帝開皇十三年仁壽宮煬帝大業

元年東京宮室三年晉陽宮四年汾陽宮

十二年毘陵宮唐太宗貞觀四年修洛陽

宮五年再書八年大明宮十一年飛山宮

二十一年翠微宮又玉華宮高宗顯慶五

年合璧宮龍朔三年蓬萊宮永淳元年奉

天宮中宗嗣聖二十一年周興泰宮玄宗

開元二年興慶宮十三年集賢殿憲宗元

和十三年麟德承輝殿宣宗大中元年雍

和殿五代辛卯年閩寶皇宮癸卯年楚九

龍宮臺觀樓閣館院行宮不與焉

辛巳二十七年帝巡隴西北地至雞頭山過回中

集覽

隴西注見秦王政三年北地注見漢哀帝建平元年雞頭山索隱曰後漢王子孟塞雞

頭道即此括地志云山在成州上祿東北二十里酈道元云蓋大隴山異名也按原州高縣西

百里亦有笄頭山在京兆西北八百里黃帝問道於廣成子之所輿地志云笄頭或即雞頭也

回中應劭曰在安定郡高平縣孟康曰在北地郡按安定北地今寧州涇州是括地志云秦回

中宮在岐州雍縣西四十里

實實

一統志云雞頭山在平涼府城西西十二里崆峒山

之西以形似名史記黃帝西至于崆峒登雞頭山即此回中宮名在鳳翔府隴州西北一百四

十里秦所建也漢文帝時匈奴入蕭關燒回中宮謂此

書法

凡巡遊譏也書巡始此終綱目書巡二十九始皇居五焉漢武帝居七焉

皆奢慾之主也

○作信宮及其泉前殿治馳道於天下

集覽

信宮

作以渭南已而以宮象天極又更名極廟按天官書中宮曰天極是也馳道天子所行道也若今之中道然漢書賈山傳曰秦為馳道於天下東窮燕齊南極吳楚江湖之土濱海之觀畢至

道廣五十步三丈而樹厚築其外隱以金椎樹以青松漢令諸侯有制得行馳道者行旁道無得行中央三丈也也隱去聲築也**摭實**一統志云信宮即長信宮也在西安府咸陽縣境渭水南史記秦始皇初居長信宮即此

書法書治馳道譏勞民也於天下甚矣書治道始此終綱目書治道二是年三

十五年皆秦也書開運道一唐德宗貞元二年

壬二十八年帝東巡上鄒嶧山立石頌功紫封

泰山立石下禪梁父遂登琅邪立石遺徐市入

海求神僊渡淮浮江至南郡而還**考異**提要書曰帝東

巡立石鄒嶧山封泰山禪梁父遂遊海上求神仙南渡江乃還

始皇東行郡縣上鄒嶧山立石頌功德魯儒生議封禪或曰古者封禪為蒲車惡傷山之土石草木掃地而祭席因菹稽議各乖異始皇以其難施用遂絀儒生而除車道上自山陽至顛立石頌德從陰道下禪於梁父封藏皆秘之世不得而記也遂東遊海上祠山川入神南登琅邪作臺刻石初燕人宋毋忌羨門子高之徒稱有仙道形解銷化之術自齊威宣燕昭王皆信之使人入海求蓬萊方丈瀛洲云此三神山在渤海中去人不遠患且

至則風引船去嘗有至者諸仙人不死藥皆在焉至是方士徐市等上書言之請得齋戒與童男女求之於是遣市發童男女數千人求之船交海中皆以風為解曰未能至望見之焉始皇還過彭城齋戒禱祠欲出周鼎泗水使千人沒水求之弗得乃西南渡淮浮江至湘山祠逢大風幾不能渡上問湘君何神博士對曰堯女舜妻葬此始皇大怒伐楮其山遂自南郡

集覽

泰山在泰安州北三里正由武關歸義曰泰山一曰岱宗東嶽

也在兗州博城西北三十里郭璞云從山下至山巔百四十八里三百步鄒嶧山索隱曰鄒魯之縣名山在其北正義曰國系云邾嶧山一名鄒山在兗州鄒縣南魯繆公改邾作

鄒遂因縣名山按鄒山記云鄒山古之嶧山也封禪服虔曰封增土之高歸功於天禪闢廣土地也張晏曰天高不可及於泰山上封禪而祭冀近神靈也瓚曰積土為封謂負土於泰山上為壇而祭之除地為壇祭於梁父後攸壇曰禪神之矣祭尚玄酒而俎魚俎皆廣長十二丈壇高三尺階三等而樹石泰山之上高二丈一尺廣三尺席因菹稽封禪書因作用如淳曰菹本作菹音租稽讀曰憂說文菹茅藉也稽禾稟也去其皮以為席索隱曰周禮祭祀供茅菹梁父瓚曰泰山下小山名也因以名縣屬泰山郡正義曰梁父在兗州泗水縣北八十里父音甫封藏凡封禪當用玉牒書藏方石有下檢又用石檢十枚列

於石傍檢用金繩纏以五周以水銀和金爲泥封之印以受命之璽又有玉匱一長一尺三寸以藏上帝之冊金匱二以藏帝之冊山川八神劉貢父曰八神卽封禪書所說一天主祠天齊二地主祠泰山梁父三兵主祠蚩尤四陰主祠三山五陽主祠之罘六月主祠之來七日主祠成山八四時主祠琅邪或曰漢武時謬忌所言爲壇開八通之鬼道是也詳見封禪書作臺刻石索隱曰山海經云琅邪臺在渤海間蓋海畔有山其形如臺在琅邪故曰琅邪臺括地志云今密州諸城縣東南有琅邪臺春秋越王勾踐徙都琅邪立觀臺以望東海始皇所作臺卽勾踐起臺處宋無忌索隱曰樂彥引老子道德經月中仙人

宋無忌白擇圖云火之精曰宋無忌蓋其人火仙也羨門子高張揖曰碣石山上仙人羨門仙人也名子高張揖曰碣石山上仙人羨門高也紫陽真人張義山聞有藥先生得道在蒙山乃追尋之蒙山遇羨門子君乞長生要訣秦皇本紀作羨門高誓韋昭曰羨門古仙人高誓亦古仙人疑韋說誤形解銷化正義曰解佳買反尸解也張晏曰人老而解去故骨則變化也集仙錄曰有死而形如生人者有死而足不青皮不皺目光不落者有死而更生者有未斂而失其尸者有髮脫而形飛者皆尸解也白日解者爲上夜半解者爲下向曉向暮解者爲地下主以風爲解皆自解說遇風不得至彭城徐州所理縣州東外城

古彭國也搜神記陸終第三子曰篋鏗封於彭卽此欲出周鼎泗水封禪書周之九鼎入于秦或曰宋太丘社亡而鼎沒于泗水彭城下漢文十六年新垣平曰周鼎亡在泗水中於是治廟汾陰欲祠出鼎徐廣曰是後三十七年鼎出汾陰又秦本紀周民東亡九鼎入秦正義曰秦昭王取九鼎然一飛入泗水餘八入於秦括地志云泗水源出兗州泗水縣東陪尾山源有四道因名焉水至彭城呂梁東南入淮湘山祠湘山在長沙下雋縣巴丘界湘中記云山在益陽洞庭湖中卽君山也括地志云黃陵廟在岳州湘陰北舜二妃之神盛弘之荊州記云青草湖南有青草山按湘山卽此山也山近湘水廟在山南故曰湘

山

撥實

一統志云鄒嶧山在兗州府鄒縣東南二十五里卽嶧山也禹貢嶧陽孤

桐春秋邾文八十遷於嶧史記秦始皇上鄒嶧山刻石頌功德皆此泰山在濟南府泰安州北五里卽東嶽岱宗也舜東巡狩至此其山屈曲盤道至絕頂高四十餘里有石表東嶽廟封神壇梁父山名在泰安州東南一百一十五里漢書以此山名縣琅邪臺在青州府諸城縣東南一百五十里琅邪山越絕書勾踐徙琅邪起觀臺臺周七里以望東海又秦始皇登斯臺大樂之留三月晉郭璞曰琅邪臨海邊有山嶠嶠特起狀如商臺此卽琅邪臺彭城秦之縣名屬泗水郡項羽自立爲西楚霸王都於此漢初改泗水爲沛郡又分

沛郡立楚國置徐州後改爲彭城郡晉於淮南僑立徐州又分淮北爲北徐州劉宋改北徐州曰徐州而加淮南徐州曰南徐州後魏於徐州仍立彭城郡隋開皇初郡廢復爲徐州大業初改爲彭城郡唐置徐州天寶初復改彭城郡乾元初復爲徐州後陞武寧軍宋因之金屬山東西路元復爲徐州本朝因之直隸京師泗水源出兗州府泗水縣南流過沛縣至徐州城東北合汴水循城東南以達于淮昔周顯王時九鼎淪沒于泗秦城鼎氣浮于水上始皇使數千人沒水求之不獲謂之鼎伏卽此君山在嶽州府城西南一十五里洞庭湖中一名洞庭山狀如十二螺髻山海經云洞庭之山帝之二女居之蓋堯女湘


君嘗居於此故名黃陵廟在嶽州府瀟湘之尾洞庭之口前代立之以祠舜二妃者唐韓愈有碑蓋舜南巡崩葬蒼梧二妃從之不及溺死沉湘之間故人爲立廟二妃世稱湘君

書法

凡巡譏也書遂譏忘反也綱目書巡二十九書辭之詳者三秦皇是年漢

武元封元年隋煬大業三年皆奢慾之尤

者也是故始皇書心再漢武書遂三隋煬書遂一於是史曰上鄒嶧山立石頌功德綱目書頌功業史曰上自山陽至顛立石頌德綱目止書立石再不書德削之也書封禪始此自是書封禪者五君一后始皇是年漢武帝元封元年太初元年光武中元元年唐高宗乾封元年周武氏嗣聖十



二年嵩少玄宗開元十三年終綱目封禪
六見上許而停者四唐太宗貞觀十五年
二十一年高宗弘道元年玄宗天寶九年
終不許者一隋文帝開皇九年書神仙始
此終綱目書求神仙三始皇是年漢武帝
元光二年元封元年書方士名十四徐市
新垣平少翁樂太公孫卿潘誕盧迦逸多
鄭普思葉靜能張果周息元柳泌趙真李
玄伯娑婆寐但書天竺方士不與焉
而罪者一誅者七世主亦可以鑒矣

發明

觀綱目所書始皇遊覽立石頌功業
之事洋洋乎盛哉大書特書不一書
而止非羨之也所以
著其侈汰之實云爾

癸未二十九帝東遊至陽武韓人張良狙擊誤

中副車令天下大索十日不得遂登之罘刻石

而還

初韓人張良五世相韓及韓亡良散千金之
產弟死不葬欲為韓報仇始皇東遊至陽武
博浪沙中良令力士操鐵椎狙擊始皇誤中
副車始皇驚求弗得令天下大索十日或曰
張良之計不亦踈乎程子曰欲
令天下之急何暇自為謀邪
集覽之罘地
山在東萊臚縣括地志云在萊州文登縣西
北九十里封禪書山在濟北金渤海漢書音

義曰之罘山在牟平縣罘房尤反陽武博浪沙中北志陳留有陽武縣括地志云今鄭州陽武東北十八里漢陽武城也博浪沙在陽武南索隱曰今浚儀西北有博浪城按輿地要覽汴梁路延州陽武南有博浪沙亭是也漢書浪作狼亦音浪狙擊服虔曰狙音覲伺也應劭曰狙伏伺也狙伺物必伏

據實

志云一統

之罘山名在萊州府福山縣東北三十五里遼文登縣界周圍五十里三面瀕海史記始皇二十九年登之罘刻石紀功即此郊祀志有八祠之罘為陽主漢武登之罘山聞稱萬歲其東南海水中壘石俗傳武帝造橋有兩石銘尚存陽武古地名秦為博浪沙之

地漢始置陽武縣屬河南郡晉屬滎陽郡東魏屬廣武郡北齊省隋復置屬滎陽郡唐屬鄭州五代屬開封府宋元仍舊本朝因之改屬開封府博浪沙地名在開封府城北三十里一名博浪沙亭即張良令力士擊秦始皇處一云在陽武縣東南三里

書法

於是韓既滅矣書韓人何良之心未嘗無韓也故心在乎韓韓雖亡而張

良書韓人心在乎晉晉雖亡而陶潛書晉徵士心在乎唐唐雖亡而張承業書唐特進綱目一字之褒嚴矣書游始此終綱目書游八是年辛卯年吳主皓晉成帝咸康元年趙王虎安帝元興三年燕主熙梁己亥年魏胡太后陳癸巳年齊主緯五代乙

西年蜀王衍二危莫危於秦焉終綱目書大索十日二是年漢征和元年秦皇漢武一轍也

發明

張良以一布衣其視聶政荆軻等耳胡為不以盜書且是時天下已為秦矣又胡為復書韓人哉良五世相韓志在報君之仇綱目予之故其書法如此然呂政是時鞭笞四海威振殊俗良乃欲狙擊而斃之既而大索弗獲詳書于冊亦足見良之為謀甚深而秦人亦無有為呂政同仇者嗚呼偶語者猶棄市而狙擊者乃獲免孰謂秦法果嚴哉

甲三十年

乙三十一年使黔首自實田

集覽

自實田令民自具頃畝實

也數

丙三十二年帝東巡刻碣石門壞城郭決隄防

集覽

碣石門晉太康地記樂浪郡遂城縣有碣石山秦築長城起於此又非禹貢碣石也

徐廣曰門一作盟

摭實

一統志云碣石山名在永平府昌黎縣西北二十里禹貢註云

碣石在北平郡驪城縣西南河口之北今平州之南也酈道元言驪城縣枕海有石如甬道數

十里當山頂有大石如柱石韋昭以為碣石舊在河口海濱歷世既久為水所漸淪入海已去岸百餘里矣今碣石在平州東離海三十里遠望其山穹窿似塚有石特出山頂其形如柱疑即禹貢冀州之碣石

書法


書譏私也後乎此唐莊宗亦有毋得修城毀其守具之書而秦唐乃亡於

長驅之兵也此竟何益哉

○巡北邊遣將軍蒙恬伐匈奴

初始皇之碣石使盧生求羨門子高還奏得錄圖書曰亡秦者胡也始皇乃巡北邊遣將

軍蒙恬發兵三十萬人北伐匈奴



資治通鑑綱目卷之二

上册

解人非为爵双
軍蒙部封共三十

